

1540



www.sdp.ba

ZA SLOBODNU, DEMOKRATSKU, PRAVEDNU I EKONOMSKI PROSPERITETNU BOSNU I HERCEGOVINU

**KLUB ZASTUPNIKA SDP BIH
U SKUPŠTINI KANTONA SARAJEVO**

Sarajevo, 21.03.2014.

Uredništvo Hercegovijske
federalizacije Bosne i Hercegovine
KANTON 21-03-2014

KANTON SARAJEVO
Odbor za javna priznanja Kantona Sarajevo
n/r Sekretaru Odbora, g. Abid Kolašinac

PRIMLJENO		
Organizaciona jedinica		Broj priloga
01	05	SFS

Poštovani,

Klub zastupnika SDP-a BiH u Skupštini Kantona Sarajevo podnosi inicijativu za dodjelu javnih priznanja Kantona Sarajevo kako slijedi:

INICIJATIVA

Za dodjelu javnog priznanja **Počasni građanin Kantona Sarajevo Michael Schumacher.**

Obrazloženje:

Michael Schumacher kao specijalni ambasador UNESCO-a donirao je 1,5 mil eura za projekte u Sarajevu, Senegalu i Peruu, gdje je u sklopu tih projekata dva puta posjetio Sarajevo. Inače, sedmostruki svjetski prvak u glavni grad BiH Sarajevo prvi put je došao 1996. godine, a zatim i u decembru naredne godine. Schumacher, koji je bio i veliki humanitarac u Sarajevo je tada stigao u organizaciji HOPE-a i UNICEF-a kako bi posjetio u ratu ranjenu djecu u bolnici Koševo. Cilj njegove posjete bio je dio UNESCO-ovog projekta prikupljanja novca za specijalizovanu bolnicu za sarajevsku djecu, žrtve granatiranja i mina. Schumacher je nakon agresije na BiH, djeci koja su u ratu ostala bez nogu i ruku, plaćao liječenje i proteze, s čim je za sva vremena stekao simpatije Bosanaca i Hercegovaca.

Michael je uvijek bio veliki prijatelj Bosne i Hercegovine i Sarajeva, što svjedoči i njegova izjava prilikom tih posjeta „**Ja jednostavno volim Sarajevo. Dolazim ovdje zbog djece kojoj je potrebna pomoć i pažnja. Želim da i drugi slijede moj primjer i posjete Sarajevo**“.

S poštovanjem,

**PREDSJEDNIK KLUBA
Nedžad Fazlija**

Socijaldemokratska partija Bosne i Hercegovine
Kantonalna organizacija Sarajevo
Branislava Đurđeva 8, 71000 Sarajevo, Bosna i Hercegovina
Broj telefona: +387 (0)33 555-246; broj faksa: +387 (0)33 555-196
E-mail adresa: ko-sarajevo@sdp-bih.org.ba

UDRUŽENJE ZA ZAŠTITU ŽENA I DJECE „TERRA”
Dejzina Bikića 2F, Sarajevo

SKUPŠTINA KANTONA SARAJEVO
Odbor za javna priznanja Kantona Sarajevo

Predmet: Prijedlog za dodjelu Plakete Kantona Sarajevo
- za Nihada Halilbegovića

Povodom objavljivanja javnog poziva za dodjelu Plakete Kantona Sarajevo za 2013. godinu, obnavljamo inicijativu za dodjelu Plakete Kantona Sarajevo za gospodina Nihada Halilbegovića, koja je upućena prošle godine, ali zbog naše tehničke greške (pogrešno napisali „za počasnog građanina”) inicijativa nije razmatrana.

U ime svih šest nevladinih organizacija ponovo dostavljamo inicijativu u nadi da ćete je prihvatiti, unaprijed se zahvaljujemo.

S poštovanjem,

Sarajevo, 07.03.2014. godine



Odbor za zaštitu žena i djece „Terra”

Vesna Šarić
Vesna Šarić

U d r u ž e n j a:

1. Asocijacija za interkulturalne aktivnosti i spašavanje nasljeđa u BiH
2. Udruženje za zaštitu žena i djece „Terra”
3. Udruženje „Supervizor”
4. Udruženje za podršku mladima i porodici
5. Savez udruženja boraca Patriotske lige Kantona Sarajevo
6. Udruženje „Bosanski zambak”

SKUPŠTINA KANTONA SARAJEVO

Odbor za javna priznanja Kantona Sarajevo

Predmet: Prijedlog za dodjelu Plakete Kantona Sarajevo
- za Nihada Halilbegovića

Ovim putem podnosimo inicijativu za dodjelu javnog priznanja „Plaketa Kantona Sarajevo” istaknutog i zaslužnog građanina Nihada Halilbegovića (rođen 1945. godine) u davanju podrške pravednoj borbi za odbranu Sarajeva od agresije (1991-1995).

Gospodin Nihad Halilbegović prije početka agresije nalazio se na funkciji Sekretara Sekretarijata za Narodnu odbranu Grada Sarajeva (10 gradskih opština) i u isto vrijeme Sekretara opštinskog Sekretarijata za Narodnu odbranu Centar Sarajevo, te dao veliki doprinos u spriječavanju mobilizacije na ovom području od strane JNA. Organizovao je sklanjanje vojne dokumentacije (vojnih kartona, kartoteka), tako da JNA nije mogla provesti samostalno regrutaciju i mobilizaciju. Koliko je ovaj potez bio od značaja za sve naše mlade sinove koji su izbjegli prisilnu regrutaciju u agresorsku vojsku, sa ove distance ne treba posebno naglašavati. Također, učestvovao je u mobilizaciji rezervnog sastava policije u septembru 1991. godine, te organizovao proizvodnju oružja i unošenje oružja u Sarajevo.

Bio je jedan od organizatora pripreme odbrane od agresije na R BiH, te je obavljao dužnost komandanta Prvog štaba Patriotske lige u R BiH (31.03.1991.) i član Regionalnog štaba zaduženog za odbrambene pripreme.

Dao je veliki značaj i doprinos u organizaciji spašavanja kulturnog nasljeđa u BiH.

U poslijeratnom periodu bavi se istraživačkim radom i publicistikom, te je napisao i objavio niz djela:

- „Činjenice o Patriotskoj ligi R BiH”,
- „Bošnjaci žrtve zaborava”,
- „Ali Riza ef. Prohić – život i djelo”,
- „Mama moram im glavu dati – stradanje regruta, vojnika u bivšoj JNA”,
- „Bošnjaci u Jasenovačkom logoru”,

- „Diverzija u Glavnoj pošti u Sarajevu”,
- „Uništavanje kulturno-historijskog naslijeđa u Sarajevu 1992.-1995. godine – Spašavanje Zemaljskog muzeja Bosne i Hercegovine u ratnim uvjetima”, ...

Imenovani je dao veliki doprinos u formiranju vlasti Kantona Sarajevo kroz svoj zastupnički mandat u Skupštini Kantona Sarajevo u periodu od 1996.-2000. godine

Sarajevo, 27.03.2013. godine

PODNOŠIOCI INICIJATIVE:




Asocijacija za interkulturalne aktivnosti i
spašavanje naslijeđa u BiH

Mevlida Serdarević



Udruženje za zaštitu žena i djece „Terra”

Vedna Šarić



Udruženje „Supervisor”

Damir Mirković



Udruženje za podršku mladima i porodici

Zlata Haverić



Savez udruženja boraca PL KS

Radmila Skrijelj



Udruženje „Bosanski zambak”

Sarajevo



Fw: Prijedlog

Mevlida Serdarevic to: uk@uk.ks.gov.ba
Please respond to Mevlida Serdarevic

03/26/2013 02:48 PM

----- Forwarded Message -----

From: Mevlida Serdarevic <serdarevicmevlida@yahoo.com>

To: "uk.@uk.ks.gov.ba" <uk.@uk.ks.gov.ba>

Sent: Tuesday, March 26, 2013 2:46 PM

Subject: Prijedlog

Asocijacija za interkulturalne aktivnosti i
spašavanje naslijeđa u BiH /AIASNA-a
Sarajevo

www.AIASNA.org

Skupština Kantona Sarajevo

Odbor za javna priznanja

Predmet:

Prijedlog da se gosp. Nihad Halilbegović proglasi

Počasnim građaninom Kantona Sarajevo

pridružujući se inicijativi brojnim udruženjima koji predlažu da se gosp. Nihad Halilbegović proglasi Počasnim građaninom Kantona Sarajevo, ovim želimo ukazati na još jednu dimanziju aktivnosti a time i zasluga gosp. Halilbegovića, bitnu za Sarajevo i njegov identitet.

Naime, manje je poznato da je naša AIASNA-a utemeljena oktobra 1992 godine kao nasljednik Komisije za spašavanje baštine Grada koja je djelovala od maja do augusta 1992 godine i čiji su članovi bili građani Sarajeva raznih nacionalnosti, nivoa obrazovanja i političkog opredjeljenja.

Gosp. Halilbegović je veoma aktivno i bitno pomagao rad ove grupe entuzijasta, ne samo obezbjeđujući omladinu koja je pomagala prenositi eksponate, već kada je riječ o GH biblioteci i obezbjeđujući i neophodan pomoćni materijal za pakovanje i sklanjanje knjiga. Ova pomoć je značajna i u mirnodobskim uslovima, a u uslovima opsade Sarajeva, bila je višestruko značajna.

Šta je sve gosp. Halilbegović činiop i kako je organizirao spašavanje blaga svih nas, vidi se u njegovoj knjizi "Uništavanje kulturno-historijskog naslijeđa u Sarajevu 1992-1995 / Spašavanje zemaljskog muzeja BiH u ratnim uvjetima" čija se promocija očekuje sutra.

U vrijeme kada je Zemaljski muzej zatvoren za javnost, proznaje Gosp. Halilbegoviću je više nego znakovito i predstvaljat će jasna stav našeg Kantona šta o tome misli i koji su krivci za trenutno stanje naše najvažnije i najznačajnije kulturno-naučne institucije.

U nadi da će naš prijedlog biti ozbiljno razmotren i prihvaćen, a priznanje otići u prave ruke, unaprijed se zahvaljujemo


S potšovanjem

predsjednica AIASNA_e

Mevlida Serdarević, dipl. pravnik



Sarajevo, 04.03.2014.
Broj: 24 - 3/14



SKUPŠTINA KANTONA SARAJEVO

ODBOR ZA DODJELU JAVNOG PRIZNANJA SKUPŠTINE

Sekretar Skupštine Kantona Sarajevo
Abid Kolašinac

Predmet: Dodjela priznanja Počasni gradjanin Kantona Sarajevo istoričarki i kritičarki umjetnosti Dunji Blažević

Na sastanku predstavnika UG Bijenala D-0 ARK Underground (Edo Hozić), Umjetničke galerije BiH (Strajo Krsmanović), Olimpijskog muzeja (Edin Numankadić) i SCCA/pro.ba (Amra Bakšić Čamo), održanog 4.marta 2014. u Sarajevu, podržana je inicijativa da se Skupštini Kantona Sarajevo (Odboru za dodjelu Javnog priznanja) uputi prijedlog da se istaknuta istoričarka i kritičarka umjetnosti gospodja Dunja Blažević proglasi Počasnim gradjaninom Kantona Sarajevo.

Dunja Blažević je diplomirala 1969. godine na Filozofskom fakultetu Univerziteta u Beogradu. Završila je postdiplomski studij na katedri kulturne politike na Fakultetu političkih nauka u Beogradu. Od 1970. do 1972. boravi na Georgetown Univerzitetu, Washington DC i University of Los Angeles (UCLA) kao Fulbright stipendista.

Dunja Blažević (Zagreb), istoričarka i kritičarka umjetnosti, kustosica i producentica, svoju bogatu profesionalnu karijeru započinje kao urednica likovnog programa u galeriji Studentskog kulturnog centra u Beogradu od 1970. – 1976 godine. Od 1976. – 1979. bila je Direktorica Galerije SKC-a. Od 1984. godine urednica je i producentica mjesečnog programa TV Galerija na Radio Televiziji Beograd. «TV galerija» emitirana je jednom mjesečno u jugoslavenskoj mreži od 1984. do 1991. godine.

Od 1990. do 1996. godine boravi u Parizu gdje se uključila u humanitarni rad u prikupljanju pomoći za stanovnike opkoljenog Sarajeva. 1993. godine organizira veliku humanitarnu izložbu na kojoj su učestvovali značajni svjetski umjetnici. Na aukcijskoj izložbi prikupljena su novčana sredstva koja su potom prosljedjena u Sarajevo. Zbog javnog iznošenja svog antiratnog mišljenja te aktivističkog djelovanja u korist gradjana opkoljenog Sarajeva, Miloševićev režim oduzima joj pasoš. Putne isprave vraćene su joj tek 1996. godine. Tokom boravka u Parizu, saradjuje sa Centrom Georges Pompidou, te sa Muzejom Modern Kunst Stiftung Ludwig iz Beča. U tom periodu objavljuje veliki broj članaka u međunarodnim umjetničkim časopisima, katalogima i drugim publikacijama.


U Sarajevo dolazi 1996. godine. Te godine se osniva Soroš Centar za savremenu umjetnost, koji mijenja ime u Sarajevo Centar za savremenu umjetnosti. U periodu od 1996. do 2014. godine, predvodeći SCCA Sarajevo, Dunja Blažević organizirala je više od 120 izložbi i drugih programa promovirajući bosanskohercegovačku umjetnosti u našoj regiji i u svijetu.


Dunja Blažević je od ambasadora Francuske u BiH Rolanda Gillesa decembra 2010. godine dobila visoko priznanje ove države - Orden viteza umjetnosti i književnosti. Ovim ordenom Republika Francuska joj je odala priznanje i zahvalnost za njen dugogodišnji profesionalni i humanistički rad na promociji savremene umjetnosti kao i na zalaganju u zaštiti ljudskih prava. Radi se o jednom od najviših priznanja koje Ministarstvo kulture i komunikacije Republike Francuske dodjeljuje zaslužnim pojedincima - građanima Francuske, kao i stranim državljanima koji su dali značajan i nemjerljiv doprinos u širenju kulture u cijelom svijetu i svojim angažmanom značajno doprinijeli bogaćenju, kako francuskog, tako i svjetskog kulturnog naslijeđa.


Profesionalni životni opus Dunje Blažević svrstava je definitivno u najznačajnije evropske istoričare i kritičare umjetnosti, a etički u najiskrenije i najistrajnije prijatelje Sarajeva.


Nadamo se da će Odbor za dodjelu Javnog priznanja Skupštine Kantona Sarajevo prepoznati veliki doprinos u kulturi gospodje Dunje Blažević, koja je značajno doprinijela promociji sarajevskih i bosanskohercegovačkih umjetnika, te da će podržati naš prijedlog da joj se dodijeli priznanje Počasni gradjanin Kantona Sarajevo.

Srdačan pozdrav,


Umjetnička Galerija BiH
Strajo Krsmanović


Olimpijski Muzej
Edin Numankadić


SCCA/pro.ba
Amra Bakšić Čamo


UG Bijenale D-0 ARK
Edo Hozić
062/390-237





Prijedlog :

prof. dr. Hauka Hajronić
mr. Hauka Karčić

Prijedlog

Počasni građanin Kantona Sarajevo

Senatoru Bob Dole-u

Senator Bob Dole (r. 1923) jedan je od najpoznatijih bivših američkih političara. U američkom kongresu proveo je 35 godina. Na predsjedničkim izborima 1976. godine bio je potpredsjednički kandidat Gerald Ford-u a 1996. godine i sam je bio kandidat Republikanske stranke za predsjednika SAD. Tokom svoje karijere obavljao je i dužnost predsjednika Republikanskog nacionalnog komiteta i lidera Republikanske stranke u Senatu. U periodu 1997-2001, Senator Dole obavljao je dužnost predsjednika Međunarodne komisije za nestale osobe. Dobitnik je mnogih prestižnih priznanja za svoj rad, uključujući i Predsjedničku medalju slobode – najprestižniju nagradu koja se dodjeljuje civilima u SAD.

Tokom perioda 1992-1995, Senator Dole se pokazao izuzetno aktivnim po pitanju lobiranja za vojnu intervenciju u BiH, zaustavljanje rata i očuvanja države. Platformu američkog senatora, Dole je iskoristio da skrene pažnju na događaje u BiH i neumorno lobira za ukidanje embarga na oružje. U Senatu, predložio i podržao niz rezolucija usmjerenim ka ovim ciljevima. Taj pritisak američkog Senata, posebno nakog izglasavanja unilateralnog dizanja embarga od strane američkog Senata i Klinonovog veta, je ključni razlog koji je prisilio tadašnju američku administraciju da se aktivno uključi i zaustavi agresiju i genocid u BiH. Također, njegovo predsjedavanje Međunarodnom komisijom za nestale osobe pružilo je značaj kredibilitet ovoj novo-uspostavljenoj organizaciji.

Uzimajući u obzir doprinos Senatora Dole Bosni i Hercegovini, predlažemo da se Senatoru Dole-u dodijeli nagrada *Počasni građanin Kantona Sarajevo*.